

Τίτλε κε Ρωλι uu Kalaaati pikó n wóì

Lελεε rítelé ntí kέμεε ní we

Uléécaa icápine iyεε Kalasii keteni-i ní we κε Ρωλι uu rítelé ntí wóipó. Uicee kuú πεé ne Nsímé Kεcire n kóónúlē kέμεε kuú πεε i karikεε. PISOI meγā ye músu re Kalasii ayu nyεε ituje kumii-mē ní we ye nyε (UPM 13-14).

Ρωλι pikei memáá, pepeε Pisuifi piyomeγáhaa n yóólē api icápine iyē tiki api upitumεkεi lómiise api n yóólē te li pise re piké Moisi isé n tikilē api kó kérii. Ρωλι pilaaró ye músu re li ne sá re Kirisi pikó nnéi piké isé iyē n tikilē. Pin lē n wa, pi yé peε limemáá fe api Yeesu Kirisi ne kefa tene. Nsímé mmú ye Yeesu Kirisi Nsímé Kεcire ne memíi wele.

Ifaaci iyē mekériine ye mmé:

1. Nsímé Kεcire yíkíyiki nkó κε Ρωλι uu nté símisi. Ρωλι uu pi léise re Uléécaa yèè sisoipipi yósile re si Yeesu Kirisi ne kefa tene nnya, amá ái re kasi piyómeγáhaa inyekii n tíkilē nnya. Lē nnya kuú ne Piyεε cési re yo nnya kuú la uké Nsímé Kεcire ne piyómeγáhaa inyekii m penelē un tikilē (1-2).
2. Ρωλι ye isímé yeε Nkómεine Kpure kέμεε ní we kpísi uú ne unsímé alari pa. Uléécaa rinóo kuu n yekei ye wele isé ii kelenε leeri. Yeesu Kirisi kέμεε κε rinóo tē kuu n yekei ari wa. Sisoipipi nnéi ye Uléécaa inipeε-i sále. Usuifi ne mpuri sane ukó ne ulási ne uyεε umεcire n te ne utisi née unósi ye sále (3-4).

3. Pɔli ye aseɪ lesele uu sɪmisi lɛ ke Kirisi pikɔ api pimɛcɪre n te. Nkɔ yeɛ Yeesu ne kefa n tene ye nɔ́asile Nfáasone nké u n séni. U ye kɔ umɛwai kpure tíyɛle. Kirisi isé ïi icélaa kulúí, amá i pise re pisoɪ piké ncɔni n lénaane (6:2). Usoi uké umɛcɪre n te aseɪ nyee re uké picɔ ne kutu n cɔlɛ un tíyɛsɛlɛ Nfáasone mee Ulééca kɛmee n léeri nn u séni (5-6).

Iyáhaa

¹⁻² Nɛ́ Yeesu utume Pɔli ne pinémárɛcɔ Kirisi pikɔ nnéi pɛɛ nté ní we, tɔɔ Kirisi pikɔ pɛɛ Kalasii sitɛ kecáá Ulééca icápine-i ní we rítelɛ ntí wólú. Ai pisoɪ pinyine pɛɛ né tumme, ái kɔ unyine kam titiki amí ne Yeesu utume pansɛ. Yeesu Kirisi yeɛ n kpu, Sáa Ulééca uu u yukuse ne Sáa Ulééca uyɛ pɛɛ né tumme. ³ Urósáa Ulééca ne Upiima Yeesu Kirisi piké ne kefa nó fénne api kɔ nkɪnɪnɪe nó he. ⁴ Kirisi yeɛ uricuruu umɛcɪre kpisi uu arókɔpe nnya he re uké nfáani ketɛ nké mɛwai kópe kɛmee ró lese. Urósáa Ulééca mela kɛmee kuu lɛ wai. ⁵ Ulééca uyee ipakare te ḿpá píyɛi-pɔ! Amí.

Nsímé Kɛcɪre nse mee we

⁶ Nómɛnɛ́wai ye nnɔ́o né yile re nɔ mɛse ne mɛse Ulééca kepire ritɔ nnya. Uyee ne Nsímé Kɛcɪre nó sée re Kirisi ye ne kefa nó fénne nnya. Nɔ́o pɛɛ u yá ani Nsímé Kɛcɪre féé ncɔ n tikilɛ. ⁷ Ai re Nsímé Kɛcɪre féé ncɔ nnyine ye we nnya kam lɛ sɪmisi. Amá pisoɪ pinyine pɛɛ we pin ícɔkɔi nó tanaalɛ, pin la piké Kirisi Nsímé Kɛcɪre rikéɲéése. ⁸ Lɛ nnya, ḿpá tɔ unyine née uléécaatumɛ unyine yeɛ keyómɛca-pɔ leeme uu weri uu nnyine nó sɪmisi re Nsímé Kɛcɪre ye mu kái pɛɛ mmɛ kari nní nó n sɪmisi, Ulééca uké

liute anó wa! ⁹ Tó pisímé nó masile! Tó kó nkpréni pisímé nó rikpá re úye un nnyine nó n símisi re Nsímé Kεcire ye mu kái pεε mmē kani nní piyóó m masí, Uléécaá uké liute anó wa!

¹⁰ Lē nnya íye! Ne nkpréni lē wéésile re písoi piké né n la nées Uléécaá uké né n la? Písoi piké né pakare kamí la nées íye? Nen pεε písoi ipakare n wéési, ám yé pεε Kirisi ukεikó.

Uléécaá yεε Póoli wée re uké utumε

¹¹ Pimárecá, ké nse nó símisi ani kóm te Nsímé Kεcire kamí ne n kóónúlē rín kesoipipi kémεε léeri.

¹² Ai usoi unyine kémεε kam n kō, ái kó unyine yεε né n céesi. Amá Yeesu Kirisi yεε né n nyíse.

¹³ Nó menéwai ricuruu n kō kumúnjé kpe-i kamí pεε Pisuífi inyekii n tikiilē. Ne pεε meyansei Uléécaá ícápine pikó wéékuselēnle nen náási ké i kpu. ¹⁴ Ne pεε Pisuífi inyekii iyē tikilenle ai tósu nnépuri pikó ne pinésácó meyā. Ne pεε ríla mále re ké Pisuífi inyekii n tikiilē ai tósu tó ne Pisuífi picó tó n sá.

¹⁵ Amá Uléécaá yεε hái unéni kefa-me né wée uú ne kefa né fénnε uu né séi re ké upikei wa. ¹⁶ Kuu ukεpipi né n nyíse uu re ké riyóó mpuri sanε pikó piké ke ceri, ám nkpráni unyine kémεε ha re uké mesəhə né rikpá. ¹⁷ Am kó Yerusalem-pə pεpεε itumε n li api né tise kémεε ritaá. Amá Arapii ketē kam mεse ne mεse tómpə am pεε Tamaasi kuyu-i pεeri. ¹⁸ Inmē itaani memáá kam pεε Yerusalem titaá re ké Piyεε ceri, am pεε ukεyə-i tone siyáa kefi ne sinupū. ¹⁹ Amá ám utumε úka ucə yē, insá Upíima uwā Yakupu. ²⁰ Lē kam nní Uléécaá inipεε-i nó n wólu ye nsímései le, ám nnóme wai.

21 Kam Yerusalem n yisi, Sirii ne Silisii sitē kamí ha. 22 Likumúnjé kpe-i Uléécaá icápíne pikó pɛɛ Yutee keteni-i ní we ápi pɛɛ né nyu. 23 Mékome kapí pɛɛ kɔ́ te uyɛɛ pɛɛ mɛkɛɛ pi n wéékuselē yɛɛ nkpáni yóólē te piké Nsímé Kɛcírɛ kuú péé ne pikópe n náási ne kɛfa tɛnɛ. 24 Lē nnya kapi kenécáá Uléécaá pakare.

2

Pɔ́li ne pitumɛ picɔ́ yɛ kómɛinɛ

1 Am pɛɛ inmē kɛfi ne ina memáá yisi, tó ne Parinapasi ari Yerusalem kuyu pɛɛ, amí ne Tiiti pɔ́ kɔ́ pɛnɛ. 2 Uléécaá yɛɛ né nyíse re ké kei ha nnya kam lē wa. Kam n tuipɔ́, am písoi pɛɛ kei meýá íyukó n tũ ne iyaa leepɔ́ am Nsímé Kɛcírɛ kam mpuri sane pikó n símisi aseí pi lese. Li we re ám la lē kam n wai ne lē kam piwai m masí liké méwoo wa. 3 Tiiti yɛɛ kenékúrí ní we ye Ukirɛki le úu pɛɛ kélē. Amá ápi nkpáni ricuruu u ricónjɛ te uké riké. 4 Mpá ne lē, pinyine pɛɛ n kpárálē te pi Kirisi pikó le ye pɛɛ kerócɔ́pe wele. Lipite pɛ́ ne mɛkɛɛ-me ró múnɛsile piké yē te íye kari Kirisi ne ritiki tɔ́n ne tirópɔ́ we. Pi náásile piké isé ilasi kémɛɛ ró pɛsɛpɔ́. 5 Tó ári nkpáni ne kutu pi ricɔ́ nípá fí. Tɔ́ la re Nsímé Kɛcírɛ aseí nnéí aké nókɛnɛmɛé n we.

6 Písoi pɛɛ kei meýá íyukó n tũ ye kɔ́ péé wele. Api né ricónjɛ te ké linyine mpuri wa. Nē ám piriyu kapí pɛɛ mɛkɛɛ m má kpísi ké ne linyine wa. Uléécaá úu ye písoi siyu-i ripáí uú ne túhaanɛ. 7 Ticuruu pi cerile re Uléécaá ye Nsímé Kɛcírɛ né rimmúisele re ké pikéciré riyóó yare kuu Piyɛɛ rimúise re uké pikéké riyóó mɛcɔ́. 8 Uléécaá yɛɛ Piyɛɛ pansesɛ

uutumε pikéké kέmεε, limεcα kuu kα nέ pansεε uutumε pikéciré kέmεε. ⁹ Yakupu ne Piyεε ne Yohani pεε kei we re Uléεcaa icápine piyukóó. Kapi n yέ te Uléεcaa yεε pikéi pē né rimúise, api tó ne Parinapasi yáasi api kunίpe ró pa, ai nyίse re tα rinóó rise wale. Ari kómεine ntónéi re tó ne Parinapasi tóo yé pikéciré kέmεε ha, pē póo pikéké kέmεε sí. ¹⁰ Likéi lise kapi ró m pise yεε re ári kapε píwekóó pεε piicápine-i ní we kecáá palei. Am kα mεsei li wai ne kefa keσε.

Póoli ye ne Piyεε Antiyóosi-pó cési

¹¹ Amá ke Piyεε uu Antiyóosi-i ní ka, úu mεwai sone wa, am mίpá úye inipeε-i u kesu re úu alari má nnya. ¹² PISOI ke Yakupu uu n tumme piké kelenε n tuime, Piyεε ne mpuri sanε pikó pεε ye pεε ricáripι rise-i n le. Amá ke Yakupu pisáne pē api ní ka Piyεε uu pi yenu, uu ye pεε mpuri sanε pikó mpí kulukεcα n kaasente un pεpεε m pólólē te mίpá úye kai pise re uké riké wuru. ¹³ Pisuiφi tαrαó póo kα umεcα pipékaankeε loni, ái ne Parinapasi pó péne uu pikecáá kecáá mεwai mē n tikilē. ¹⁴ Kam n yέ te ápi Nsimé Kεcιre ne aseι tikilē, am pinnéi inipeε-i Piyεε maa re: Póo nnί Usuiφi, pαn mpuri sanε pikó isoi icα n le, ái Moisi isé kaa tíkilē, íye kaa yé pεε mpuri sanε pikó ricóη te piké Pisuiφi isoi icα lí?

Nfatεne mεε ye Pisuiφi ne mpuri sanε pikó riyu lα

¹⁵ Tó ne hái keróleemε-mε Pisuiφi le, ári mpuri sanε pikó pεε ápi Uléεcaa n nyu. ¹⁶ Tα pεε nyule re ái usoi nkó yεε isé n tíkilē yεε Uléεcaa inipeε-i aseι ute. Amá uyεε Yeesu Kirisi ne kefa n tenelē yεε aseι ute. Lē nnya ke tóo kα ne kefa u tenelē te

liké ne kei ritiki tóké ne wa aseí pite Uléécaá inipéé-i. Ai kape wa re kari isé n tikiḷē nnya. Li we re úka úu Uléécaá kémæe aseí ute re u isé ritiki nnya. ¹⁷ Amá in te tó la re tóké Kirisi ne kefa tene tóké wa aseí pite, ari yénu re tó ne kó pikópekóó le. Li pæe nképéni wa yare Kirisi yeé akópe ncee ró nyíse née íye? Ai nképéni lē. ¹⁸ Nen lē kamí pæe n fori pimóme m pæse, née menécíre yámne re ncaai kamí pæe wa. ¹⁹ Asei ye nye re isé íi yé nképéni fe iké linyine né píse. Ne ikeméé wele yare ukpókpo. Isé iyee ne nkpo né ka. Ne Uléécaá nnya nképéni nfáa mále. Tó ne Kirisi tóo kunapéékóó kecáá kpu. ²⁰ Lē nnya, ai nképéni né ŋmaa ricuruu née nfáa má. Amá Kirisi yeé kenémæe nfáa má. Kai neni ne n kpísi, Uléécaá kepipi kamí ne tálē nnya kam nfáa má. Kεκεε né la aké ne kenfaa kpísi ake né nnya he. ²¹ Né ám kesi re ke Uléécaá uú ne kefa né n fénne, rinéyu kuu lo. In mesei re usoi yeé isé ritiki uú ne Uléécaá inipéé-i wai aseí ute, Kirisi nkpo pó ne méwoo le nképéni.

3

Isé ne nfatene kecáá nsímé

¹ Nó Kalaati pikó, aníriyóopi nnyé! Wóo kéyu lē nó risómaase? Nen kó ne Yeesu kapi kunapéékóó kecáá n karií nsímé nó símisi cáká-cáká. ² Nsímé nse kamí la ké píse ké kó te kani isé n tikiḷē nnya ke Uléécaá uu Unfaasone nó he née kani Nsímé Kεcire n kó aní ne kefa n tene nnya kuu Nfaasone nó he? ³ Nó meýíkíyiki aníriyóopi lee? Nó lalε nóké ne Uléécaá Nfaasone pitiki koraane ani péé ne nképéni pisoi isímé tenesee? ⁴ Yare méwoo kani nképéni nní íwe nnyí lii? Ai re liké méwoo lē wa. ⁵ Kani isé n

tíkilē nnya ke Uléécaā uu Unfaasōne nó he nōn ne mēwaisaŋa nókenémee wapisi, née íye? Née kani Nsímé Kēcire n kō aní ne kefa n tene nnya kuu lē wa?

⁶ Limεcō ke Apiraham uú ne Uléécaā kefa tene. Li ukεcáá wólalē te: Ke Apiraham uú ne Uléécaā kefa n tene nnya ke Uléécaā uu u kpísi re asei ute. ⁷ Lē nnya, ani kō rísonε re pεpεε Uléécaā ne kefa n tenelē pεε Apiraham pipirē yíkíyiki. ⁸ Li Uléécaā ritelé-i mεkεε-mε wólalē te Uléécaā yé mpuri sanε pikó waise asei pite, kapí ne kefa u n tene nnya. Lē nnya ke Uléécaā uu rinóō sōne ntí Apiraham pehele re: Pó nnya, né ketē kecáá sisoipipi nnéi rinóō sōne ritikise. ⁹ Apiraham ye Uléécaā ne kefa tenele, Uléécaā uu rinóō sōne u tikise! Limεcō, píye pin nfatene m má, uu rinóō sōne pi tikise yare kuu Apiraham n wa.

¹⁰ Anóō kópe ye mpí nnéi pεε n tálē te isé yé pi yoriye kecáá wεle. Li Nléécaasimé-i wólalē te: Uye unsá lεlεε isé ritelé kémεε n wólalē nnéi rintiki uké kō lipikei n wai, anóō kópe ye liute kecáá wεle. ¹¹ Ai céreise re úka úu yé isé ritiki uú ne Uléécaā inipεε-i wai asei ute. Lē nnya kai wólalē te: Usoi nkó yεε asei ute re u Uléécaā ne kefa tene nnya, yεε nfáa má. ¹² Ticuruu isé ne nfatene rín líka pénelē, amá isé ye maa re: Uyεε yé i rintiki ne ikεtō-pō kii yé nfáa he. ¹³ Kirisi ke Uléécaā uu tirótísi anóō wa. Kei ke Kirisi uú ne isé anóō kémεε ró lése. Nléécaasimé ye mesei maa re: Pin úye kuna kecáá rinkōlō, Uléécaā ye liute anóō wale. ¹⁴ Li lē wale re mpuri sanε pikó pōóké Yeesu Kirisi kupénεcō kémεε rinóō sōne ke Uléécaā uu Apiraham n yekei yē. Lē kémεε tōn nfatene m má, tō lē Nfáasōne ke Uléécaā uu ró n yekeilē yenle.

Isé ne lē ke Uléécaā uu písoi n yekeilē kecáá nsímé

15 Pimárecò, ne la ké sisoipipi mewai kémee linyine kpísi ké ne nó símisi ani kóm. Usoi un tinòò n wòì uu yekei yare kai m pise, úka úu ye kesi, úka úu ye líka rikpá, in kò ne kesoiipipi kee wòì ake yekei. 16 Apiraham ne uupirẽ ke Uléecaa uú pree kò ne lisòne lã kuu n yekeilẽ mé. Ai wòlaalẽ te Apiraham ne upipirẽ. Lã nnya, áì pìsoi kulúì mekó kai wòlaalẽ, uupirẽ use mekó kai wòlaalẽ. Uupirẽ uyee Kiri. 17 Mmẽ kam ní la ké nó símisi ye nkpréni mmú: Uléecaa ye mekee-me wòile uu yekei yare kai m pise. Likere, ai wai inmẽ píle píle mena ne afetaani, Moisi isé pòò pree keleni leeri. Ii yé fe iké lã ke Uléecaa uu ní la uké wa caai. Insá lã, Uléecaa rinòò kuu n yekei yé rinnanre paa. 18 In te isé ke usoi uu ye ritiki Uléecaa uu péé ne lã kuu u n yekeilẽ u pa, li pree wale re Uléecaa úu urinòò cire kuu n yekei ritiki. Amá ke Uléecaa uu mekee-me n yekei nnya kuu Apiraham ípéelée nyíse uu lã kuu u n yekeilẽ u wai.

19 In lã, yo nnya ke isé ii pree nkpráni we? Iyẽ nkó mee re iké mewai mee áme Uléecaa mela-i ní we pìsoi n nyiselẽ, Apiraham upirẽ uyẽ ke Uléecaa uu lisòne n yekeilẽ uú ha ne tui. Piléecaatumee pree isé iyẽ pìsoi cereise. Usoi unyine yee péé ne Uléecaa nnòò n símisi kapí ne ritiki apí ne símisi. 20 Pin ne usoi rintiki apí ne linyine wai, li nyíse re pèpèe pikei n wai ye kulúì wele. Amá Uléecaa mecire yee rinòò piyekei kémee pikei wai.

Yo nnya ke isé ì we?

21 Lã nnya, tóké nkpréni re isé ìi Uléecaa rinòò kuu n yekei ritikii? Ai nkpráni lã. Pin pree isé inyine n wa yee yé usoi nfáa n he, i yé pree fe ii usoi Uléecaa

inipεε-i waise aseɪ ute. ²² Amá Uléécaá Nsimé ritelé ye maa re mewai kópe nnaɲe mee ketē nnéi múlĕ. Li pεe lē wale re písoi mpí nnéi pεe yé Yeesu Kirisi ne kefa n tene pεe yé lē ke Uléécaá uu pi n yekeilē yē.

²³ Nfatene itunε iké kelenε n tu, isé ye pεe ró hánaalenle yare pikpaniikó, in tó mē liké ha ne tu pεé uyε-i ke Uléécaá uu yé ró n nyíse re tóké Yeesu ne kefa tene. ²⁴ Lē nnya, isé yee ró nyói aí ha ne Kirisi ikamεtunε tulu. Uyē kari yé ne kefa tene arí ne Uléécaá inipεε-i wai aseɪ pite. ²⁵ Kari nkpéni nní ne Kirisi kefa pitene m máálē nnya, ári nkpéni urónyóle uyē mekó-i we.

²⁶ Li we re nɔ nkpéni nónnénéi Uléécaá sipipi le, kani Yeesu Kirisi ne kefa n tene nnya. ²⁷ Nó mpí nnéi nó nní Kirisi kupéneco kémeε míni n wóle, nó ne uyē ne pansεle pise. ²⁸ Lē nnya, aí nkpéni we re nkó ye Usuifi née mpuri sane ukó, née ulási née uyεε umεcire n te née utisi née unósi. Nɔ nkpéni meyíkíyiki pise le, kani Kirisi Yeesu ne kefa n tene nnya. ²⁹ In te nɔ mesei Kirisi pikó le, nɔ kɔ Apiraham pipirē le. Nóo lē ke Uléécaá uú pεé Apiraham ne upipirē n yekeilē te.

4

¹ Mmē kam nní la ké maa re: Usói unsá kahane m papisi kuu pεe ikúlanlū li, úu ulási ne ríka kémeε kóólelē, in kɔ ne uyεε mpá yo te. ² Mpá ne lē, pinyine pεe yé u nyói api ukεcáá m pailē aí ha ne kumúné kpē ke usáa uu n yekei tulu. ³ Limεco ke tóo kɔ pεé we yare siwá sínsá. Ketē nké kecáá, rínaɲe likó ilasi karí pεe le. ⁴ Amá ke itunε ii n tu, Uléécaá ye Ukepipi tummele unósi unyine uu ke maru apí

ne isé ke múlú ⁵ keké ne pē ke isé ii ilasi n tónselē n fénne, keké kò ne lē kémee ró m pansese Uléécaá sipipi nnya. ⁶ Kani kò nní Uléécaá sipipi nnya ke Uléécaá uu nóanékíñ kémee Ukepípi Nfaasone wa nn sélei re: Sáa! Sáa! ⁷ Lē nnya, áni kò nkpeni pilási, nò usipipi le. Nòn usipipi, nò kò Uléécaá mela kémee umemá pite le, memá mē kuu usipipi n yekeilē.

Lelee Kalaati pikó kémee Pòli nfasimé n tanaalē

⁸ Nò ppe mekee wele áni Uléécaá nyu. Piléé pinyine ilasi kaní ppe le ápi kò ppe meyíkíyiki piléécaá. ⁹ Lē nnya kani nní Uléécaá n céri née ke uyē uu nní nó n céri nó kò nkpeni ketē kecáá rínanje líkó kémee pele aní ha liilasi piluke kpáá? Nnanje mmē rín líka kuwai we, rín kò líka tu. ¹⁰ Nò meyansei siyáa sinyine ne iwáre inyine ne aḡmē anyine wéle ani waise inyónsetunje! ¹¹ Li nfasimé né we re pinékei kamí ne nókenémee rinḡmóópú ápi kapre méwoo wa!

¹² Pimárecò, ne nó pise re ani menécò mmé n we. Né ne kò nómenécò isé ilasi kémee wele. Ani ncaai ríka né wa. ¹³ Ani léise re ne ppe utóikó le, péé uye-i kamí ppe mefoí Nsimé Kεcire nó rin-yóó. ¹⁴ Kamí ppe lē m pólú, ám ppe kúpaí meté we. Amá áni né níñni áni kò né ḡmeriyē. Nò ne íwe né lile, ticuruu ani kò né yósu yare Uléécaatumē unyine née yare ne Kirisi Yeesu le. ¹⁵ Méye ke nónnépónare mmē nn pele? Né ḡmaa née yē te nòn péé n fene, nó ppe ricuruu nóinénípeé lésente ani né pa. ¹⁶ Kam nsímései nó n símisi nnya kam ppe nkpeni panse nóunélaaro, née íye? ¹⁷ Nla mmē kapi nní nókenécáá m má nnanje rín lisone linyine. Pi lale piké tó ne nnó túúnne nòké

πρε μεγá pin n la. ¹⁸ Li nyamí te áni kapε ye pí kai lisone ne siká wa, ái re πρέ uye-i kam nókenékúrí ní we ημανε. ¹⁹ Sinépipi, ne kα ne nά nnya ntóosi kómειλε yare unósi ke memárenlō ame n kέheni. Lē kai yé né n we aní ha ne pipele tene, aní ne Kirisi mewee nókenémee n nyíselē. ²⁰ Li ripóo né we re ké πρε kumúηέ nkú-i nókenémee n we ké céri lē kam yé nó n símisi. Am nyu íye kam yé nó wa.

Icélaa yee Akaa ne Sara nsímé kémee ní we

²¹ Nόo nní n la isé iké nókenécáá rínanηe m má kamí la ké píse re nα πρε kómει lē kii n símisi? ²² Likumúηέ re li wólaalē te Apiraham ye pinmánε pité mári. Ulási Akaa yee use ne u mari, uunási Sara yee umεcire n te pόo ne ucα u maru. ²³ Kεsoipipi mela kémee ke Akaa uu uunmánε mari. Amá Uléεcaa rinα kuu n yekei kecáá ke Sara pόo uukó mári. ²⁴ Nsímé mmē nnyinεcα ye mmú: Pinósi pē keté ye anόo até ke Uléεcaa uu n yekei le. Nkómειne foí mmē ke Uléεcaa uu ne pisoí Sinayi riyape kecáá sée Akaa uú ne siwá maru silási. ²⁵ Akaa ye we yare Arapii ketē-pα Sinayi riyape. U kα we yare kuyu nkú kapí ye neni nní n sée re Yerusalem. Ku ne kupikó ye isé pilasi le. ²⁶ Amá Yerusalem yee keyómεcaa-pα ní we ne upikó ye pimεcire tele. Kuyu kpekpee nkpeni we yare uróni. ²⁷ Lē nnya kai wólaalē te:

Pó unósi nyapi nkó

yee úu pí kai m máraalē, a yisi a cα.

A mpónare ne ricáái.

Pó ke memárenlō áme pí kai n kέhenlē!

Unósi ke ula úu ní la sipipi ye ulakó sikó kulúí feriyε.

28 Pimáρεεε, νό νε Uléεεαα rinεε kuu n yekei nnya usipipi le Isaaki μεεε. 29 Uyε kapi kesoipipi mela kéμεε m mári ye uyε ke Nfáασνε nn n tíyεε api máru léμααλεnλε hái. Lε kai we νε neni-με. 30 Iye keεire kai πεε wóλααlε? Li wóλααlε τε: A unósilasi nkó νε uυημάνε lakase, li we re ulási uημάνε νε uyεε uμεεire n te ukó, ápi yé ikúlanlú kesé li. 31 Pimáρεεε, lε nnya tó ári ulási uyε sipipi. Tε uyεε uμεεire n te sikó le.

5

Ani kapε ilási kéμεε n we

1 Kirisi ye ilási kéμεε ró léσεε re tóké meyíkíyiki μεrócíρε n te. Lε nnya, ani n we nηn páápú, áni kapε kε nóμεnécíρε ilási kéμεε pitane rikpá.

2 Ani kutu ricε, né Pεoli ké nó símisi ani kóm τε nηn n tíyε pin n kérii, Kirisi úu πεε líka nó yóriye.

3 Né kε pimáa nó rikpá re úye un n tíyε pin u rinké, isé nnéi kai πεε pise re uké ritiki. 4 Nόó nní n la re nóké isé ritiki nóké νε Uléεεαα inipeε-i wa aseí pite, nó νε Kirisi ye túúnnele ani Uléεεαα ipεelée paa.

5 Tόó nní νε kefa u n tenelε, tó νε mé τε u yé ró waise aseí pite. Nfáασνε μεε tíyεεlε kari mé τε Uléεεαα yé ntófatenε nnya ró waise aseí pite. 6 Kirisi Yeesu kupéneεε kéμεε, nké née nkéciré nηn ye líka yoriye. Lελεε kuláa m má yeε usoi uké nfatene m má μεε nla n nyíσεlε.

7 Nε koraanele nσνε hái. Wόo nkpeni nsé nó púnεise un νε nó yúlu re áni kapε aseí ritiki?

8 Nsímé mmε kapí νε nní atu nó n takai nηn Uléεεαα yeε nó n séi kéμεε léeri. 9 Pi ye maα re: Nkpónótε pite fíi πεε ye kukpéεcari nnéi nyépukuse. 10 Amá

mpá ne lē, ne ne Upíima tálē te nō sōnti nōké ncée sōne kémee pεεμε. Amá uyee nní nō n cōhlē, te úye kecire loo, Ulééca yé kutu u ripasa.

¹¹ Pimárecō, nen péé n céési re li pise re pisoι piké kérii, yo nnya kapi yé pεε nkpráni né n wéékuselē? Nen lē n céési, Kirisi nkprō kunapéékōó kecáá rñn yé pεε úka kémee awóle nsímé. ¹² Pεpεe nní nō n cōhlē te ani kérii ápi kapε ne piké ηmane ripá. Piké mese pimεcire camesi!

¹³ Pimárecō, Ulééca yε ilási kémee nō lésεle re ani nómencíre n te. Mpá ne lē, áni kapε ne riwááná re nō nómencíre te nnya aní ne lē kani n káipinke n wai. Amá ani n lakaane nōn kō pikei wapaane. ¹⁴ Nsímé nse kémee ke isé nnéi íí we. Lελεε re: A upócō n la yare ripócúruu. ¹⁵ Amá nōn nómencōpεcire n kéhenne nōn n takainke, ani nómencíre tí. Insá lē, nō nómencíre kónaane.

Nfáasone mela ne meróla cire

¹⁶ Lē nnya, ne la ké nō símisi re ani tíye Nfáasone nké nō n séni, áni yé péé uye-i nólínékáipi-káipi n wai. ¹⁷ Ai lē kani rñ la ke Nfáasone nrñ la. Ai kō Nfáasone lilala ke nōó kō la. Nfáasone lilala ne lē ke kesoiπipi ake rñ la ái ye risáne. Lē kaí we nnya káni ye fe nōké lisōne kani rñ la n wai. ¹⁸ Amá in Nfáasone mee nō séni, isé íi pεε kō rñnaje nōkenécáá má.

¹⁹ Lē ke kesoiπipi likáipi-káipi ai ye n léeme aí n nyáni kpáii ye nní: Iwásá piwapaanke ne mékperinkpewai ne meseiciréwai, ²⁰ ne piléenyóōnse ne menírihélaawai ne iláarō piwapaane ne picéηaanke ne kufatoi ne kuwói ne íkenene ne pikóólentene ne pitele siwúipi piwapaanke ²¹ ne ucō likó pikáipinke ne píta

niré ne piluke caainkεε ne anyá ne lilinyinecɔ. Ne la ké nó péhele yarε kam pisímé nó m masí re: Pɛ nnéi pεε limεwai mē n wapisi uka úu Ulééca a iyɔɔpi kémeε melone má.

²² Amá lē ke Nfáasɔne pɔɔ ye usoi n he ye nní: Nla ne mpɔɔnare ne nkíɔnɔne ne nɔpure ne kusoi piwai ne nfanare ne asei pitiki ²³ ne nɔnɔne ne mecíre pimúú. Isé ñi mεwee mē kesu. ²⁴ Kirisi Yeesu pikó ye pimεwee ne pililala ne pilikáipi-káipi pikpíké masile api kunapéékɔ́ kecáá kari. ²⁵ Nfáasɔne meε Ulééca nfaa ró heelē. Lē nnya, tóké tíye nké ró n séni. ²⁶ Ari kape panse píyuwélaa tóké merócɔpεcire anɔɔ n wélaane tɔn kɔ merócɔpεcire kufatoi wapaane.

6

Ani ncɔni n lénaane

¹ Pimáreɔ, nó mpí ke Nfáasɔne nn nní ñ séni, nɔn ye unyine n yē un akópe n wai, ani ye m purú aní ne ncée sɔne-i u peseri. Ani ye nómenécíre tí te mεwai mē meɔ áme kape nó leeme. ² Ani ncɔni n lénaane. Lē kani yé ne Kirisi isé rintíki ye lē. ³ Uye un m músu re úu kusa we, kúu kɔ pεε líka tu, umécire kuu kíraase. ⁴ Mpá úye uké ye uricuruu mεwee ripaí. Un n yē te li rikókɔri we uké umécire ne múɔneise, ái kape ne picɔ. ⁵ Li we re nɔpá úye ye yé céri uu símisi lē kuu n wa.

⁶ Li pise re usoi nkó kapi Ulééca Nsímé n céési uké ulikó ne uucélaa kecáá pípaí n léni.

⁷ Ani kape nómenécíre kiraase, ápi ye Ulééca sényi. Lē ke usoi uu n lukesi kuu ye kpasi. ⁸ Uye un umela líkó n lukesi, uu umela líkó yénu. Amá úye un Nfáasɔne líkó n lukesi, uu Nfáasɔne mela ye nu,

lelee nní nfáa teneciré. ⁹ Mewai sone piwai ápi kape ye ró pi. Li we re ton lē piwai ne n ημόόπύλῆ, itunje ye sóntile, nípá úye uké lē kuu n lukesi kpasi. ¹⁰ Lē nnya kai nkpéni nní lē kuwai rí we, tóké písoi nnéi ríla n nyíselé, aí ne tósu tó ne pē tóo Kirisi ne kefa n tenelē.

Icélaa tərəə ne iyáhaa

¹¹ Ani ripái lē kam nkpéni tinécúruu ne kunénípe nó n wói mekónε mekónε. ¹² Mπί nnéi pεε n wéési re písoi piké pi pakare pεε nó cónlῆ te ani kérii. Ápi la piké Kirisi nkpə kunapéékóó kecáá nnya íwe inyine li. ¹³ Pikéké pē ricuruu ápi isé tíkilῆ, amá pi pεé la re nóóké kérii piké ne nópinéké pē nnya rikókəri n wai. ¹⁴ In née, ke Upiima Yeesu Kirisi uu kunapéékóó kecáá n kpu ηmane yeε né tikókəri waise. Líka lico ái likecáá kpálῆ. Kunapéékóó kecáá nkpə mee tíyεse ke ketῆ kecáá likó ái kə nkpéni kenémεε kuláa kúka má, ám kə nkpéni pikáipinkεε li kpálῆ. ¹⁵ Ai nké née nkéciré yeε linyine yoriye, amá Uléεca uké ró pansese písoi fale yeε ye yoriye. ¹⁶ Mπί nnéi pεε piísoi kémeε nsímé mmú n tíkilῆ kam ne welu re Uléεca uké nkínɲiɲe pi he uu kə íwe pi ténι. Nkínɲiɲe ne píwetu piké kə Uléεca kuyu Isirayεeli kecáá n we.

¹⁷ Kai neni ne n kpísi, úka úu kape picónῆ né rikpá. Iwói ye inéɲiɲe kecáá nyíselenle re ne Yeesu kecáá íwe líle.

¹⁸ Pimáρεcə, Urópiima Yeesu Kirisi uké ípεelée nó nyíse. Amí.

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1